

Канон Входу Господню в Иерусалим

Воскресение перед Пасхой (вербное)

Глас 4-й

Песнь 1

Ирмос: Явишася истóчницы бéздны, вла́ги неприча́стны, и открýшася мóря волнóущася основáния бурею: мánием бо запретил еси́ ему́, изрýдныя же лю́ди спасл еси́, пою́щия побéдную песнь Тебе́, Го́споди.

Припев: Сла́ва Тебе́, Бо́же наш, сла́ва Тебе́.

Из уст младе́нец незло́бивых, и ссу́щих, хвалу́ Твои́х раб совершил еси́, разруши́ти супоста́та, и отмсти́ти стра́стию Креста́, паде́ние дрéвняго Ада́ма, дрéвом же воскреси́ти сего́, пою́ща побéдную песнь Тебе́, Го́споди (*Дважды*).

Слава: Хвалéние Цéрковь преподо́бных, живу́щему в Сиóне, Тебе́, Христé, прино́сит: Израиль же о Тебе́, Творце́ своём, раду́ется: и го́ры язы́цы противообра́знии каменосердéчнии, от лица́ Твоего́ возвесели́шася, пою́ще побéдную песнь Тебе́, Го́споди.

И ныне: Хвалéние Цéрковь... (*Повторить предыдущий тропарь*)

Песнь 3

Ирмос: Точáщий краесекóмый повелéнием Твои́м, твёрдый сса́ша ка́мень израильтестии лю́дие. Ка́мень же Ты еси́ Христé и Жизнь, на Нёмже утверди́ся Цéрковь зову́щая: осáнна, благословéн еси́ Грядый.

Сла́ва Тебе́, Бо́же наш, сла́ва Тебе́.

Мертвеца́ чертверодне́вна повелéнием Твои́м, из мёртвых с трéпетом ад испусти́ Лазаря, Воскресéние бо Ты Христé и Жизнь, в Нёмже утверди́ся Цéрковь зову́щи: осáнна, благословéн еси́ Грядый (*Дважды*).

Слава: Воспойте лю́дие благоле́пно в Сиóне, и моли́тву воздадите́ Христú во Иерусали́ме. Сам грядёт во сла́ве со вла́стию, в Нёмже утверди́ся Цéрковь зову́щи: осáнна, благословéн еси́ Грядый.

И ныне: Воспойте лю́дие... (*Повторить предыдущий тропарь*).

Ипакои, глас 6-й

В ветв́ми воспéвше прéжде, с дресесы́ последи́ яша Христá Бо́га неблагода́рнии иуде́е. Мы же véрою непрелóжною присно́ почита́юще я́ко Благоде́телся, всегда́ возопи́им Ему́: благословéн еси́, Грядый Ада́ма воззва́ти.

Песнь 4

Ирмос: Христóс грядый я́вственно Бог наш, приидет и не зако́снит, от горы приосенéнных ча́щи, Отрокови́цы ражда́ющия неискусому́жныя, проро́к дрéвле глаго́лет. Тёмже вси вопи́ем: сла́ва си́ле Твое́й, Го́споди.

Сла́ва Тебе́, Бо́же наш, сла́ва Тебе́.

Да точáт весéлие крéпкое мастительное́ го́ры, и все хо́лми, и дрéва дубра́вная да взыгра́ют: Христá хвалите́ язы́цы, и томú вси лю́дие раду́ющася возопи́йте: сла́ва си́ле Твое́й, Го́споди (*Дважды*).

Слава: Крéпостию ве́ки ца́рствуяй Господь, облечён приидет, Сего́ красоты́ и сла́вы, несравне́нно есть благоле́пие в Сиóне, Тёмже вси вопи́ем: сла́ва си́ле Твое́й, Го́споди.

И ныне: Пядию измеривый небо, дланию же землю, Господь, прииде: Сион бо избра, в немже жити и царствовать изволи, и возлюбил люди, верно вопиющая: слава силе Твоей, Господи

Песнь 5

Ирмос: На гору Сион взыди благовествуяй, и Иерусалиму проповедуяй, в крепости вознеси глас: преславная глаголашася о тебе, граде Божий. Мир на Израиля, и спасение языком.

Слава Тебе, Боже наш, слава Тебе.

В вышних седях на Херувимех Бог, и призираяй на смиренная, Той грядет во славе со областью, и исполнятся всяческая Божественная хвалы Его, Мир на Израиля, и спасение языком. *(Дважды)*

Слава: Сионе Божий, горю святая, и Иерусалиме, окрест очи твои возведи, и виждь собранная чада твоя в тебе: се бо приидоша издалеча, поклонитися Царю твоему. Мир на Израиля, и спасение языком.

И ныне: Сионе Божий... *(Повторить предыдущий тропарь).*

Песнь 6

Ирмос: Возопиша с веселием праведных души: ныне миру Завет новый заветается, и кроплением да обновятся люди Божия Крове.

Слава Тебе, Боже наш, слава Тебе.

Приими, Израилю, Божие Царство, и пребываяй во тьме, свет да узрит великий, и кроплением да обновятся люди Божия Крове *(Дважды)*.

Слава: Разрешены своя юзники Сионе испусти и от рова неведения безводна изведи, и да обновятся люди кроплением Божественная Крове.

И ныне: Разрешены своя: *(Повторить предыдущий тропарь).*

Кондак, глас 6-й

На престоле на небеси, на жребяти на земли носимый Христе Боже, от Ангел хваление и детей воспевание приял еси зовущих Ти: благословен еси, Грядый Адама воззвати.

Икос

Понеже ада связал еси Безсмертие, и смерть умертвил еси, и мир воскресил еси, с вами младенцы восхваляху Тя Христе, яко Победителя, зовуще Ти днес: осанна Сыну Давидову. Не кому бо, рече, заклани будут младенцы, за Младенца Мариина: но за вся младенцы и старцы, Един распинаешися. Не кому на нас вместится меч, Твоя бо ребра прободутся копием. Темже радующееся глаголем: благословен, Грядый Адама воззвати.

Песнь 7

Ирмос: Спасый во огни Авраамския Твоя отроки и халдеи убив, яже правда праведно уловляху, препетый Господи Боже отец наших, благословен еси.

Слава Тебе, Боже наш, слава Тебе.

Покланяющееся людие, и со ученики радующееся, с вами, осанна Сыну Давидову зовяху препетый Господи Боже отец, благословен еси *(Дважды)*.

Слава: Неискусозлобное множество, еще младенствующее естество, боголепно Тя, Царю Израилев и Ангельский, воспет: препетый Господи Боже отец, благословен еси.

И ныне: С вами Тя Христе, ветвми похваляху множества: благословен пришедый

Царь веков. Вопи́яху же: препе́тый Го́споди Бо́же оте́ц, благослове́н еси́.

Песнь 8

Ирмос: Весели́ся Иерусали́ме, торже́ствуйте лю́бящи Си́она: ца́рствуй бо во ве́ки Го́сподь сил при́иде, да благогове́ет вся земля́ от лица́ Его́, и да вопи́ет: благослови́те вся дела́ Го́сподня Го́спода.

Сла́ва Тебе́, Бо́же наш, сла́ва Тебе́.

На жребя́ мла́до всед Царь твой Си́оне, предста́ Христо́с: безслове́сное бо и́дольское прельще́ние разруши́ти, и неудо́ержанное стре́мление уста́вити всех язы́к при́иде, во е́же пе́ти: вся дела́ по́йте Го́спода (*Дважды*).

Слава: Ра́дуйся Си́оне zeló: Бог твой воца́рился во ве́ки Христо́с. Сей, я́коже пи́сано есть, кро́ткий и спаса́й, пра́ведный Иза́витель наш, при́иде на жребя́ти, ко́нское свире́пство уби́ти враго́в, не вопи́ющих: благослови́те вся дела́ Го́сподня Го́спода.

И ныне: Оскудева́ет Боже́ственных огражде́ний, законопресту́пное со́нмище непокори́вых, поне́же дом моли́твы Бо́жия, верте́п сотвори́ша разбо́йническ, от се́рдца Иза́вителя отринувше, Ему́же вопи́ем: благослови́те вся дела́ Го́сподня Го́спода.

Песнь 9

Ирмос: Бог Го́сподь, и яви́ся нам, соста́вите пра́здник, и веселя́щися прииди́те, возвели́чим Христа́, с ва́иами и ве́твymi, пе́сньми зову́ще: благослове́н Гряды́й во и́мя Го́спода Спа́са на́шего.

Сла́ва Тебе́, Бо́же наш, сла́ва Тебе́.

Язы́цы, вску́ю шата́етесь? Пи́сменницы и свяще́нницы, почто́ тщетным поучи́стесь, ре́кше: кто Сей, Ему́же де́ти с ва́ием и ве́твymi, пе́сньми зову́т: благослове́н Гряды́й во и́мя Го́спода Спа́са на́шего (*Дважды*).

Слава: Сей Бог наш, Ему́же никто́же подо́бен, пра́ведный всяк путь изобре́т, даде́ возлю́бленному Изра́илю: по сих же с челове́ки поживе́ явля́ся. Благослове́н Гряды́й во и́мя Го́спода Спа́са на́шего.

И ныне: Собла́зны стези́, что близ вас положи́сте непокори́вии? Но́ги ва́ша ско́ры кровь изли́яти Влады́чню. Но воскре́снет всяко́ спасти́ зову́щия: благослове́н Гряды́й во и́мя Го́спода Спа́са на́шего.